

Temeljem članka 16. stavak 4. Zakona o Vladi Zeničko-dobojskog kantona - Pročišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 174. sjednici, održanoj dana 26.12.2018. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport doneseno po prijedlogu Općinskog vijeća Vareš, broj: 01/1-247/18., od 07.12.2018. godine za Program rada Skupštine Zeničko-dobojskog kantona za 2019. godinu i čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/18.
Datum, 26.12.2018. godine.
Z e n i c a

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

U svezi s aktom Stručne službe Skupštine Kantona, broj: 01/34-15965-16/18., od 10.12.2018. godine, u dijelu koji se odnosio na podnesenu inicijativu Općinskog vijeća Vareš, podnesenu predsjedavajućem Skupštine za donošenje Programa rada Skupštine Kantona za 2019. godinu, a vezano za sugestije Kluba vijećnika DF-a u Općinskom vijeću Vareš i koje se odnose na oblast kulture, resorno ministarstvo daje sljedeće:

MIŠLJENJE

Kada je u pitanju inicijativa Kluba vijećnika DF-a u Općinskom vijeću Vareš naglašavamo da Ministarstvo za obrazovanje, nauku, kulturu i sport u sklopu svojih redovnih aktivnosti, između ostaloga, prati stanje u oblasti kulture, zaštite kulturno-povijesnog nasljeđa i iznalazi najpovoljnije modele podrške razvoju sektora kulture na području Zeničko-dobojskog kantona. S tim u vezi, predmetna inicijativa prvenstveno se odnosi na redovne aktivnosti Ministarstva za obrazovanje, nauku, kulturu i sport, odnosno Sektora za kulturu i sport koji, u izuzetno teškoj finansijskoj situaciji, sukladno zakonima iz oblasti kulture, prati stanje i iznalazi najpovoljnija rješenja za funkcioniranje sustava kulture na području Zeničko-dobojskog kantona. S obzirom na činjenicu da je Kraljevski grad Bobovac već proglašen kao nacionalni spomenik na nivou BiH, i kao takav, prema Zakonu o provođenju odluka Komisije za očuvanje nacionalnih spomenika BiH, uživa najveći stupanj zaštite, predmetne sugestije odnose se prvenstveno na već planirane i realizovane aktivnosti Ministarstva za obrazovanje, nauku, kulturu i sport i Vlade Zeničko-dobojskog kantona na osiguranju svih preduvjeta za promociju i zaštitu navedenog nacionalnog spomenika. Dakle, Kraljevski grad Bobovac, kao proglašen nacionalni spomenik BiH, već uživa najveći stupanj zaštite uz sudjelovanje svih razina vlasti, uključujući i aktivnosti Ministarstva za obrazovanje, nauku, kulturu i sport i Vlade Zeničko-dobojskog kantona na osiguranju svih preduvjeta za promociju i zaštitu navedenog nacionalnog spomenika.

Ujedno napominjemo i činjenicu da je obnova i revitalizacija svih 59 nacionalnih spomenika na području Zeničko-dobojskog kantona, (među kojima je svakako i Kraljevski grad Bobovac), dugotrajna obveza koja iziskuje značajna finansijska sredstva i koja se redovno planiraju od strane Vlade i Skupštine Zeničko-dobojskog kantona.

Stoga, a imajući u vidu naprijed navedeno činjenično-pravno stanje, resorno ministarstvo zauzelo je stajalište da nema osnove za dodatna izdvajanja u odnosu na već opredjeljena proračunska sredstva za zaštitu Kraljevskog grada Bobovca kao dijela kulturnog nasljeđa Bosne i Hercegovine.

O b r a z l o ž e n j e

Pravna osnova:

Pravna osnova za donošenje ovog zaključka temelji se na članku 16. stavak 4. Zakona o Vladi Zeničko-dobojskog kantona-Pročišćeni tekst ("Službene novine Zeničko-dobojskog kantona", broj: 7/10), kojim se utvrđuju stavovi o pitanjima od značaja za provođenje utvrđene politike, odnosno, određuju zadaci kantonalnih organa uprave.

Razlozi za donošenje:

Dana 07.12.2018. godine, Općinsko vijeće Vareš podnijelo je Stručnoj službi Skupštine, Prijedlog za Program rada Skupštine Kantona za 2019. godinu, vezano za podnesenu inicijativu Kluba vijećnika DF-a u Općinskom vijeću Vareš koja se odnosi na oblast kulture.

Uvažavajući namjere Kluba vijećnika DF-a u Općinskom vijeću Vareš u smislu iznalaženja najpovoljnijih rješenja u oblasti kulture i zaštite kulturno-povijesnog nasljeđa, resorno ministarstvo je razmotrilo predmetnu inicijativu, zauzelo stajalište da istu nije moguće dodatno podržati. Naime, predmetne sugestije iz podnesene inicijative se prvenstveno odnose na redovne aktivnosti Ministarstva za obrazovanje, nauku, kulturu i sport, odnosno Sektora za kulturu i sport koji, u izuzetno teškoj finansijskoj situaciji, sukladno zakonima iz oblasti kulture, prati stanje i iznalazi najpovoljnije rješenje za funkcioniranje sustava kulture na području Zeničko-dobojskog kantona. S obzirom na činjenicu da je **Kraljevski grad Bobovac** već proglašen kao nacionalni spomenik na nivou BiH, i kao takav, prema Zakonu o provođenju odluka Komisije za očuvanje nacionalnih spomenika BiH, uživa najveći stupanj zaštite, predmetne sugestije odnose se prvenstveno na već planirane i realizovane aktivnosti Ministarstva za obrazovanje, nauku, kulturu i sport i Vlade Zeničko-dobojskog kantona na osiguranju svih preduvjeta za promociju i zaštitu navedenog nacionalnog spomenika. S tim u vezi dato je stajalište resornog ministarstva u Mišljenju u privitku.

Finansijski pokazatelji:

Realizacijom ovog zaključka neće biti dodatnih zahvata u odnosu na planirana sredstva u planiranom Proračunu Zeničko-dobojskog kantona za 2018. godinu.

Mišljenja smo da postoje opravdani razlozi za donošenje ovakvog zaključka.